

**Ўзбекистон Республикаси Қишлоқ хўжалиги вазирлиги хузуридаги
Агросаноат мажмуи устидан назорат қилиш инспекцияси қошидаги
“Қишлоқ хўжалиги маҳсулотлари сифатини баҳолаш маркази”
давлат муассасасининг
НИЗОМИ**

1-боб. Умумий қоидалар

1. Ушбу Низом Ўзбекистон Республикаси Президентининг «Иқтисодиётда давлат иштирокини қисқартиришнинг кўшимча чора-тадбирлари тўғрисида» 2023 йил 24 мартдаги ПҚ-102-сон қарори ижроси юзасидан Вазирлар Маҳкамасининг “Давлат муассасалари ва давлат иштирокидаги корхоналарни қайта ташкил этиш ва тугатишнинг кўшимча чора-тадбирлари тўғрисида” 2023 йил 3 апрелдаги 139-сонли қарорига асосан Ўзбекистон Республикаси Вазирлар Маҳкамаси хузуридаги Агросаноат мажмуи устидан назорат қилиш инспекцияси қошида ташкил этилган “Агросаноат мажмуида хизматлар кўрсатиш маркази” давлат унитар корхонаси негизда ташкил этилган Ўзбекистон Республикаси Қишлоқ хўжалиги вазирлиги хузуридаги Агросаноат мажмуи устидан назорат қилиш инспекцияси қошидаги “Қишлоқ хўжалиги маҳсулотлари сифатини баҳолаш Маркази” давлат муассасасининг (кейинги ўринларда – Марказ) ҳуқуқий мақоми, асосий вазифалари, ҳуқуқ ва мажбуриятларини, фаолиятини ташкил этиш тартибини белгилайди.

2. Марказ ва унинг ҳудудий филиаллари Ўзбекистон Республикаси Президентининг 2019 йил 15 мартдаги “Ўзбекистон Республикаси Вазирлар Маҳкамаси хузуридаги Агросаноат мажмуи устидан назорат қилиш инспекцияси фаолиятини ташкил этиш чора-тадбирлари тўғрисида”ги ПҚ-4241-сон қарори асосида ташкил этилган.

3. Ўзбекистон Республикаси Қишлоқ хўжалиги вазирлиги хузуридаги Агросаноат мажмуи устидан назорат қилиш инспекцияси Марказнинг муассиси, унинг мақомини белгилайдиган қонун ҳужжатларига мувофиқ ваколати доирасида давлат муассасасини таъсис этишга вакил қилинган давлат органи ҳисобланади (кейинги ўринларда – Муассис).

Марказ, Ўзбекистон Республикаси Қишлоқ хўжалиги вазирлиги хузуридаги Агросаноат мажмуи устидан назорат қилиш инспекциясининг (кейинги ўринларда Инспекция деб юритилади) назорат функцияларини амалга ошириш соҳасида хизматлар кўрсатадиган давлат муассасаси ҳисобланади.

Марказий аппарат, марказий лабораториялар ҳамда Қорақалпоғистон Республикаси ва вилоятлардаги ҳудудий филиаллар Марказнинг мустақил юридик шахс мақомига эга бўлмаган таркибий бўлинмалари ҳисобланади.

4. Мазкур Низом Муассис томонидан тасдикланиб, қонун ҳужжатларида белгиланган тартибда рўйхатга олинган кундан Марказнинг таъсис ҳужжати ҳисобланади.

5. Марказ юридик шахс ҳисобланади, ўзининг алоҳида мулкига, мустақил балансига, Ўзбекистон Республикаси Давлат герби тасвири туширилган ва давлат тилидаги ўз номи ёзилган муҳр ва бланкаларга, миллий ва хорижий валютадаги ҳисоб рақамларига эга бўлади.

6. Марказнинг расмий тўлиқ ва қисқартирилган номи:

а) Давлат тилида:

Лотин ёзувида – O‘zbekiston Respublikasi Qishloq xo‘jaligi vazirligi huzuridagi Agrosanoat majmui ustidan nazorat qilish inspeksiyasi qoshidagi “Qishloq xo‘jaligi mahsulotlari sifatini baholash markazi” davlat muassasasi, қисқартирилган номи – “O‘zagroinspeksiya” qoshidagi “Qishloq xo‘jaligi mahsulotlari sifatini baholash markazi” DM.

Кирилл ёзувида – Ўзбекистон Республикаси Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси қошидаги “Қишлоқ хўжалиги маҳсулотлари сифатини баҳолаш маркази” давлат муассасаси, қисқартирилган номи – “Ўзагроинспекция” қошидаги “Қишлоқ хўжалиги маҳсулотлари сифатини баҳолаш маркази” ДМ.

б) Рус тилида: — Государственное учреждение «Центр оценки качества сельскохозяйственной продукции» при Инспекции по контролю за агропромышленным комплексом при Министерстве сельского хозяйства Республики Узбекистан, қисқартирилган номи — ГУ “Центр оценки качества сельскохозяйственной продукции” при “Узагроинспекции”;

в) Инглиз тилида: — State company “Center for evaluation of the quality of agricultural products” under the Inspection on the control of agro-industrial complex under the Ministry of Agriculture of the Republic of Uzbekistan, қисқартирилган номи — SC “Center for evaluation of the quality of agricultural products” under the “Uzagroinspection”.

7. Марказнинг жойлашган жойи (почта манзили): 100011, Ўзбекистон Республикаси, Тошкент шаҳри, Шайхонтохур тумани, Хадра мавзеси, 27-уй.

2-боб. Марказнинг юридик мақоми

8. Марказ – давлат мулкидаги, ўзига оператив бошқариш учун берилган мулк негизида ташкил этилган давлат муассасаси шаклидаги ташкилот ҳисобланади. Марказ ўзига бириктирилган мулкдан қонун ҳужжатларида белгиланган доирада, ўз фаолияти мақсадлари ва вазифаларига, Муассиснинг топшириқларига ҳамда эғалик қилиш ҳукукидаги мулкнинг мақсадига мувофиқ мулкдан фойдаланишни ва уни тасарруф этишни амалга оширади.

9. Марказ ўз фаолиятида Ўзбекистон Республикасининг Конституцияси ва қонунларига, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг

қарорлари ва фармойишларига, “Ўзагроинспекция” ҳайъатининг қарорлари ва буйруқларига ҳамда бошқа қонун ҳужжатларига ва ушбу Низомга амал қилади.

10. Марказ қонун ҳужжатларида белгиланган тартибда ўз номидан мулкӣ ва шахсий номулкӣ ҳуқуқларни олиши ва амалга ошириши, мажбуриятлар олиши, судда даъвогар ва жавобгар бўлиши мумкин.

11. Марказда Муассис томонидан тасдиқланган ташкилий тузилмага асосан марказий аппарат, марказий лабораториялар, ҳудудий филиаллар, бўлимлар ва бошқа бўлинмалар фаолият кўрсатади.

12. Марказ ўз фаолияти юзасидан Муассис олдида ҳисобдордир.

13. Марказ фаолияти Муассис томонидан назорат қилинади ва мувофиқлаштирилади.

3-боб. Марказнинг вазифалари ва функциялари

14. Агросаноат мажмуида давлат хизматларини кўрсатиш, озик-овқат ва қишлоқ хўжалиги маҳсулотларининг сифати ва хавфсизлигини таъминлаш соҳасида илм-фан ва инновацияга асосланган илмий ва тажриба-экспериментал тадқиқотларни олиб бориш, Марказнинг илмий салоҳиятини ошириш, моддий-техник базасини модернизация қилиш ва янги турдаги хизмат турларини кенг жорий этиш устувор мақсадидир.

15. Хизматлар кўрсатиш орқали фойда олиш, муассиснинг топшириқлари ижросини ўз вақтида таъминлаш, шунингдек ушбу Низомда назарда тутилган вазифаларни бажариш ва хизматлар кўрсатиш Марказ фаолиятининг асосий мақсади ҳисобланади.

16. Қуйидагилар Марказнинг асосий вазифалари ҳисобланади:

фаолият тури бўйича товарлар (ишлар, хизматлар) ишлаб чиқариш, сотиш ҳамда хизматлар кўрсатиш;

Марказ ваколати доирасига мувофиқ, Агросаноат мажмуи маҳсулотлари (пахта толаси, момиғи, техник чигити, момиқ пахта, ёғ, маргарин, майонез, шрот, шелуха, хўжалик совуни, дон, дуккакли-дон ва мойли экинлар, қишлоқ хўжалиги экинларининг барча турдаги уруғлари ва кўчатлари, шунингдек ун, ёрма, кепак, оралик маҳсулотлар ва чиқиндилар ҳамда агросаноат мажмуининг бошқа маҳсулотлари - кейинги ўринларда маҳсулотлар деб юритилади) синовларини ташкил этиш ҳамда ўтказиш;

маҳсулотларга мувофиқлик ва сифат сертификатлари, синов баённомалари, таҳлил натижалари ҳамда баҳолаш хулосаларини бериш ишларини бажариш;

сертификатлаштирилган маҳсулотлар устидан инспекция назоратини амалга ошириш;

аккредитация доирасига мувофиқ синов жиҳозлари ва ўлчов воситаларини метрологик аттестациядан ва киёслаш қўригидан ўтказиш бўйича ишларни амалга ошириш;

пахта толаси ширадорлигини аниқлаш, пахта толаси ва момиғи тойлари массасини ўлчаш хизматларини амалга ошириш;

пахта тозалаш ва ёғ-мой саноати корхоналари, пахта маҳсулотларининг харидорлари ҳамда бошқа ташкилотлар учун сертификатладиган пахта

маҳсулотлари ташки куруниши намуналарини тайёрлаш, реставрация қилиш ва улар билан таъминлаш;

районлаштирилган ва истикболли қишлоқ хўжалиги экинлари навларининг наводорлигини (нав софлиги) тупрокда (тажриба майдонида) баҳолаш;

қишлоқ хўжалиги экинлари уруғликларини етиштиришда уруғчилик билан шуғулланувчи фермер хўжаликлари, кластерлар, илмий муассасалар ва бошқа хўжаликларга шартнома асосида амалий ёрдам кўрсатиш;

экспорт-импорт ва республика ичидаги ташишларда дон ва уни қайта ишлашдан олинган маҳсулотларнинг сифатини аниқлаш ҳамда сифат сертификатларини расмийлаштириш;

уруғлик тайёрловчи субъектларда қишлоқ хўжалиги экинлари уруғларини тозалаш-саралаш (уруғлик чигитда – туксизлантириш), калибрлаш, дорилаш ва қадоклаш жараёнларида ҳар 2 (икки) соатда зарурий экинбоплик сифат кўрсаткичларини аниқлаш;

экиш материаллари таркибида генетик модификацияланган организмларни (ГМО) ҳамда хавфли яширин вирусли ва замбуруғли касалликлар мавжудлигини аниқлаш;

талаб қилинадиган аниқлик бўйича улчовларнинг бир хиллигини таъминлаш;

пахта толасини классификациялаш, сертификатлаш ва маркетинг йўналиши ҳамда қишлоқ хўжалиги, мелиорация ва йўл-қурилиш техникларини, сервис хизмат кўрсатиш бўйича агросаноат мажмуи соҳасида мутахассисларни тайёрлаш, қайта тайёрлаш ва малакасини оширилишини таъминлаш;

агросаноат мажмуи соҳасига оид фаолиятни оммавий ахборот воситалари интернет тармоғи орқали тарғибот қилиш;

давлат органлари ва бошқа ташкилотларнинг буюртмасига кўра шартнома асосида Инспекция назорат функцияларини амалга ошириш соҳасида хизматлар кўрсатиш;

Инспекция билан келишилган ҳолда халқаро ҳамкорликни амалга ошириш;

Марказ қонун ҳужжатларига мувофиқ бошқа вазифаларни ҳам амалга ошириши мумкин.

17. Марказ ўзига юклатилган вазифаларни бажариш учун қуйидаги функцияларни амалга оширади:

сертификатлаштириш миллий тизими қоидалари ва техник жиҳатдан тартибга солишга доир норматив ҳужжатлар талабларига мувофиқ маҳсулотларни баҳолаш бўйича синовлар ўтказди;

олинган синов натижаларини ўрганади, мувофиқлик сертификати ва сифат сертификатларини бериш ёки уни рад этиш туғрисида қарор қабул қилади;

синов натижаларига кўра, номувофиқ деб топилган маҳсулотларга ушбу ҳақида далолатнома, таҳлил натижаси ва синов баённомаси тақдим этади;

экспорт-импорт ва республика ичидаги ташишларда дон ва уни қайта ишлашдан олинган маҳсулотларнинг сифатини аниқлайди ва сифат сертификатларини расмийлаштиради;

аккредитация доирасига мувофиқ, ўтказилган метрологик аттестациялаш ва қиёслаш ишлари натижаси бўйича синов жиҳозларига сертификат расмийлаштиради;

пахта толаси ва момиғи тойларини етказиб берувчи билан биргаликда тойнинг оғирлигини тортиб кўради ва тойнинг оғирлиги юзасидан далолатнома расмийлаштиради;

пахта толаси, момиғи ва техник чигити маҳсулотларининг ташқи кўриниши намуналарини истеъмолчиларнинг буюртмаларига асосан таъмирлайди ҳамда янгидан тайёрлайди;

уруғликларни синовлардан ўтказди, элита уруғчилик хўжаликларида етиштирилган пахта толаси намуналарининг технологик кўрсаткичларини аниқлайди, уруғлик пахта ва бошоқли дон экинларининг навдорлигини (нав софлигини) тупрокда (тажриба майдонида) баҳолаш ишларини амалга оширади;

мувофиқлик сертификатининг амал қилиш муддати ўтган, стандарт талабларига жавоб бермайдиган ёки сақлаш қоидаларининг бузилиши натижасида сифати бузилган қишлоқ хўжалиги экинлари уруғларидан келгусида уруғлик сифатида фойдаланилмаслик бўйича тегишли хулосалар беради;

маҳсулотларнинг синаш усулларини ишлаб чиқади, зарур ҳолларда манфаатдор идоралар ва ташкилотлар билан ҳамкорликда тадбирларни амалга оширади;

маҳсулотлар учун техник жиҳатдан тартибга солишга доир норматив ҳужжатларни ишлаб чиқиш жараёнларида иштирок этади;

республикага | четдан келтириладиган уруғликларни тегишли сертификатлари, фитосанитария сертификати, карантин рухсатномасини тақдим этган ҳолларда улардан намуналар танлаб олади, таҳлиллар ўтказди, натижалари бўйича тегишли ҳужжатларни расмийлаштиради;

уруғчилик соҳасида жорий этилган халқаро стандартлар асосида уруғлар сифатини аниқлайди ва стандарт талабларига мувофиқ бўлган уруғларга мувофиқлик сертификатларини беради;

уруғликларни синовдан ўтказди ва якуний хулосалар беради;

сифат менежменти тизимларини ишлаб чиқади ва жорий этади;

маҳсулотларни классификациялаш ва маркетинг йўналиши ҳамда қишлоқ хўжалиги, мелиорация ва йўл-қурилиш техникларини бошқариш ҳукукини бериш, сервис хизмат кўрсатиш бўйича агросаноат мажмуи соҳасида мутахассисларни тайёрлаш, қайта тайёрлаш ва малакасини оширилишини таъминлайди;

қишлоқ хўжалиги экинларининг уруғликларини етиштирувчи фермер хўжаликлари, кластерлар ва бошқа уруғчилик билан шуғулланувчи

хўжаликларнинг уруғлик майдонларини апробация кўригига тайёрлашда шартнома асосида услубий ёрдам кўрсатади;

юкори авлодли уруғликлар етиштирувчи илмий муассасалар майдонларида мониторинг ўтказиш, тайёрланган уруғликлардан намуналар танлаб олиш ва таҳлил ўтказиш ишларини амалга оширади;

қишлоқ хўжалиги экинлари уруғликларини сертификатлайди, уларга стандарт талаблари бўйича ёрликларни тайёрлайди ва уруғлик ишлаб чиқарувчиларга буюртма асосида етказиб беради;

Республикада жамғарилган уруғлик пахта ғарамларининг экинбоплик сифат кўрсаткичлари бўйича дастлабки таҳлилларини амалга оширади;

хорижий давлатлар ташкилотлари билан Инспекцияни хабардор қилган ҳолда ҳамкорлик ўрнатади, келишув ва меморандумлар имзолайди ва уни амалга оширади, шунингдек халқаро ташкилотларга аъзо бўлади;

хорижий ҳамкорлар билан ўз соҳаси бўйича ҳукукий ахборот алмашади;

ходимларнинг хорижий давлатларда малака оширишлари учун шарт-шароитлар яратади ва ташкил этади;

хорижий давлатларда ташкил этилган соҳага оид ўқув курсларида, семинар, давра суҳбати ва конференцияларда иштирок этади;

Соҳада илм-фан ва инновацияга асосланган илмий тажриба-экспериментал тадқиқотларни қўллаб-қувватлаш учун халқаро грандлар, халқаро институт, ташкилотлар, юридик ва жисмоний шахсларнинг грандлари ҳамда ҳомийлик ҳайриялари техник қўмакларда қатнашади.

18. Марказ қонун ҳужжатларида белгиланган ва таъқиқланмаган ўз фаолиятига оид ва бошқа вазифа ҳамда функцияларни ҳам амалга ошириши мумкин. Махсус рухсатнома (лицензия, аккредитация ва маъқуллаш) талаб қилинадиган фаолият турлари тегишли махсус рухсатнома (лицензия, аккредитация ва маъқуллаш) олинганидан сўнг амалга оширилади.

19. Қуйидагилар, Марказ ҳудудий филиалларининг асосий вазифалари ҳисобланади:

Марказга юклатилган вазифа ва функциялар ижросини ҳудудларда таъминлаш;

Марказнинг ваколати доирасида амалдаги норматив ҳужжатлар талабларига мувофиқ маҳсулотларнинг барча турдаги синовларини ўтказиш;

ўрнатилган тартибда маҳсулотлардан синов учун намуналар танлаб олиш, идентификация қилиш ва синовдан ўтказиш, зарур ҳолларда маҳсулот намуналарини қўшимча синовлардан ўтказиш учун Марказнинг тегишли лабораторияларига юбориш;

маҳсулотларга мувофиқлик сертификати, синов баённомалари ва сифат сертификатлари бериш ишларини бажариш;

синовлар натижаларининг аниқлиги, ҳолислиги ва ишончлилигини таъминлаш;

янги ҳосилга тегишли типик тўдалардан олинган намуналар бўйича бошқоқли дон экинларининг товар ва технологик хусусиятларини ўрганиш;

синовлар натижалари ва ҳисобот маълумотларини ўз вақтида ҳамда ҳаққоний тақдим этиш;

ваколат доирасида маҳсулот сифатига тегишли мунозарали масалаларни ҳал қилиш;

корхона ва ташкилотлар билан ҳамкорлик қилиш.

20. Марказий лабораториялар ва ҳудудий филиаллар бошлиқлари мазкур Низом билан Марказга юклатилган вазифа ва функциялари ҳамда мажбуриятларининг бажарилиши, ўзининг ҳаракатлари (ҳаракатсизлиги) оқибатида Марказга етказилган зарарлар, шу жумладан Марказ томонидан бириктирилган давлат мулки ва товар-моддий бойликларининг йўқотилиши ҳамда мақсадсиз ишлатилиши учун тўлиқ моддий жавобгар шахс сифатида шахсан жавобгар ҳисобланади.

21. Марказ ўзининг вазифа ва функцияларини марказий аппарат, марказий лабораториялар ва ҳудудий филиаллар орқали амалга оширади.

иш фаолиятида ўзига тегишли соҳалар доирасида шартномалар тузади ва кўрсатиладиган хизматларга шартнома асосида нарх белгилайди.

22. Марказ Ўзбекистон Республикасининг қонун ҳужжатларига зид бўлмаган бошқа фаолият турлари билан ҳам шуғулланиши мумкин.

23. Марказ амалдаги қонунларга кўра махсус рухсатнома (лицензия) олиш талаб этиладиган фаолият турлари билан факат тегишли рухсатнома (лицензия) олган ҳолда шуғулланади.

4-боб. Марказнинг ҳуқуқ ва мажбуриятлари

23. Марказ ўзига юкланган вазифалар ва функцияларни бажариш учун қуйидаги ҳуқуқларга эга:

маҳсулотларни синаш натижаларига кўра, синов баённомалари таҳлил натижалари ва баҳолаш хулосалари, мувофиқлик ва сифат сертификатларини ўрнатилган тартибда бериш;

мавсум бошидан дон ва уни қайта ишлашдан олинган маҳсулотларни қабул қилиш, сақлаш ва реализация қилиш учун мўлжалланган дон сиғимларини (омбор, элеватор, айвон ва майдонлар) техник ҳолатини ўрганиш, баҳолаш ва тегишли хулосаларни бериш;

ягона ўлчов бирлигини таъминлаш ва ўрнатилган қоидаларга асосан метрологик аттестациялашни ва қийслаш ишларини амалга ошириш бўйича ишларни бажариш;

ўрнатилган тартибда маҳсулотлардан синов учун намуналар танлаб олиш, идентификация қилиш ва танлаб олинган намуналарни лозим бўлган ҳолларда буюртмачиларнинг мутахассислари иштирокида синовлар ўтказиш, зарур ҳолларда маҳсулот намуналарини кўшимча синовлардан ўтказиш учун корхонанинг тегишли лабораторияларига юбориш;

айни бир турдаги маҳсулотларни сертификатлаштириш масалалари бўйича хорижий давлатларнинг сертификатлаш органлари билан “Ўзагроинспекция”ни хабардор қилган ҳолда ҳамкорлик қилиш;

маҳсулотлар сифатини таҳлил қилиш, натижалари юзасидан ҳужжатларни тайёрлаш ва техник жиҳатдан тартибга солишга доир норматив

ҳужжатлар талабининг бузилиши билан боғлиқ камчиликларни бартараф этиш бўйича тегишли корхона ва ташкилотларга тавсия ва таклифлар киритиш;

номувофиклик аниқланганда, берилган мувофиклик сертификатлари ва мувофикликни тасдиқлаш белгилари амал қилишини тўхтатиш ва бекор қилиш бўйича қарорлар қабул қилиш;

ишлаб чиқаришни ўрганишда ёки маҳсулотни синов натижаларига кўра, номувофикликлар аниқланганда, мувофиклик сертификати беришни рад этиш;

сертификатлаш тизимининг ахборот ва услубий ҳужжатларини такомиллаштириш ёки ишлаб чиқиш бўйича таклифлар бериш, стандартлаштириш ва метрология соҳасида норматив-ҳуқуқий ҳужжатлар тизимини яратишда иштирок этиш;

хориждан кириб келаётган мажбурий сертификатлаштириладиган маҳсулот турининг республикада тартибга солиш бўйича норматив ҳужжатлари бўлмаганда, унинг сифати ва хавфсизлиги бўйича сертификатлаш синовлари турдош маҳсулотларга бўлган талаблар ёки уларни идентификациядан ўтказган ҳолда санитар-эпидемиологик ҳулоса асосида амалга ошириш;

Инспекция билан келишилган ҳолда ўз фаолияти учун зарур бўлган қурилиш ишларини амалга ошириш, биноларни харид қилиш ва белгиланган тартибда сотиш ҳамда уларни ижарага беришни амалга ошириш;

ўз ваколати доирасида давлат органлари ва ташкилотлари, жисмоний ва юридик шахслар учун тавсиявий бўлган, шу жумладан, бошқа давлат органлари билан биргаликда услубий ҳужжатларни қабул қилиш;

қонун ҳужжатларини такомиллаштириш бўйича таклифлар киритиш;

фаолият турлари бўйича товарлар (ишлар, хизматлар) ишлаб чиқариш ва сотиш, хизматлар кўрсатиш. Бунда: Марказ томонидан фаолият турлари бўйича товарлар (ишлар, хизматлар) ишлаб чиқариш ва сотиш ҳамда хизматлар кўрсатиш бўйича тарифлар, нархлар ва қийматларни мустақил равишда белгилаш;

эркин бозор иқтисодиётидан келиб чиқиб, рақобатбардош хизматларни кўрсатиш учун имтиёзли тарифларни ишлаб чиқиш ва қўллаш;

ўз фаолият соҳаси бўйича шартнома асосида жисмоний ва юридик шахсларга хизматлар кўрсатиш, ишларни бажариш, маҳсулот етказиб бериш;

Марказ ходимлари томонидан ўз соҳасида улар фаолиятининг асосий кўрсаткичлари бўйича параметрлар бажарилишини ҳисобга олган ҳолда уларни моддий рағбатлантириш тартиби, миқдорлари ва шартларини белгилаш;

Инспекциянинг бюджетдан ташқари жамғармаси маблағлари, шунингдек, бошқа бюджетдан ташқари маблағлар, Ўзбекистон Республикаси Инновацион ривожланиш вазирлиги томонидан ўтказиладиган танловлар натижалари бўйича ажратиладиган грантлар, халқаро институтлар ва ташкилотлар, юридик ва жисмоний шахсларнинг грантлари ва ҳомийлик хайриялари, фаолият турлари бўйича товарлар (ишлар, хизматлар) ишлаб чиқариш ва сотишдан тушадиган маблағлар, қонун ҳужжатларида таъқиқланмаган ҳамда тегишли ҳисоб рақамларида жойлашган бошқа маблағларни Ўзбекистон Республикаси тижорат банкларининг депозит рақамларида миллий ва хорижий валютада

жойлаштириш. Бунда, маблағларни жойлаштиришдан олинган даромадни моддий-техник базани, ижтимоий ривожлантиришга ва ходимларни моддий рағбатлантиришга ҳамда конун ҳужжатларида назарда тутилган бошқа мақсадларга йўналтирган ҳолда Марказнинг тегишли ҳисоб рақамларига ўтказиш;

жисмоний ва юридик шахсларнинг ўз фаолиятига тааллуқли мурожаатларини куриб чиқиш;

Марказнинг ваколатлари доирасида хорижий давлатлар органлари ва халқаро ташкилотлар билан Инспекцияни хабардор қилган ҳолда алоқалар ўрнатиш.

Давлат муассасаси ўз мажбуриятлари бўйича ўзига тегишли мулк билан жавоб беради. Муассис Марказ мулки етарли бўлмаганда Марказ мажбуриятлари бўйича субсидиар тартибда жавоб беради.

24. Марказ муассис билан келишув бўйича, конун ҳужжатлари талабларига риоя қилган ҳолда ваколатхоналар очиши ва ҳудудий филиаллар қошида лабораториялар ташкил этиши мумкин.

Лаборатория ёки ваколатхона ташкил этилганидан кейин бир ҳафта муддатда Марказ бу тўғрида Ўзбекистон Республикаси Давлат активларини бошқариш агентлигини ёки унинг ҳудудий органини хабардор қилиши шарт.

25. Янги ташкил этилган ваколатхона ва лабораториялар Марказ номидан, тасдиқланган низомлар асосида фаолият кўрсатади.

26. Ваколатхона ёки янги ташкил этилган лаборатория раҳбари Марказ директори томонидан тайинланади ва унинг ишончномаси асосида фаолият кўрсатади. Ваколатхона ёки лаборатория раҳбари билан тузилган меҳнат шартномаси тўхтатилган тақдирда ишончнома Марказ директори томонидан бекор қилинади.

27. Марказнинг жавобгарлиги:

ўзига юклатилган вазифалар ва функцияларнинг самарали бажарилиши;
фаолиятга бевосита тааллуқли бўлган жисмоний ва юридик шахсларнинг мурожаатларини ўз вақтида куриб чиқиши;

соҳани (тармоқни) ривожлантириш бўйича тадбирлар, режалар ва бошқа дастурий ҳужжатларни ишлаб чиқиш ва уларни самарали амалга оширилиши;

лаборатория ва ваколатхона мажбуриятлари бўйича;

ўз мажбуриятлари бўйича ўзига тегишли мулк билан жавоб беради.

Муассис Марказ мулки етарли бўлмаганда Марказ мажбуриятлари бўйича субсидиар тартибда жавоб беради.

Марказ конун ҳужжатларига мувофиқ бошқа ҳуқуқ ва мажбуриятларга ҳам эга бўлиши мумкин.

28. Марказ муассиснинг мажбуриятлари бўйича жавоб бермайди.

5-боб. Муассиснинг ҳуқуқ ва мажбуриятлари

29. Муассис конун ҳужжатларида белгиланган тартибда қуйидаги ҳуқуқларга эга:

Марказ фаолиятининг мақсади, предмети, турларини белгилаш;

Марказнинг Низомини тасдиқлаш, ўзгартириш ва қўшимчалар киритиш;
 Марказни қайта ташкил этиш ёки тугатиш тўғрисида қарор қабул қилиш,
 тугатиш комиссиясини тайинлаш ва тугатиш балансларини тасдиқлаш;

Марказ мулкига оид битишувларни ҳақиқий эмас деб эътироф этиш
 тўғрисида даъво билан судга мурожаат қилиш;

Марказнинг ортиқча, фойдаланилмаётган ёхуд белгиланган мақсадда
 фойдаланилмаётган мулкни тасарруф этиш;

зарурат бўлганда Қишлоқ хўжалиги вазирлигига давлат муассасасини
 хусусийлаштириш ёки давлат тасарруфидан чиқариш бўйича таклифлар
 киритиш;

Марказга етказилган зарарларни ундириш тўғрисида Марказ директорига
 нисбатан даъво тақдим этиш;

30. Муассис қуйидагиларга мажбур:

Марказ тузилмаси ва ходимлар штат жадвалини келишиш;

Марказ директори ва уринбосарларини тайинлаш, меҳнат тўғрисидаги
 қонун ҳужжатларига мувофиқ улар билан меҳнат шартномасини тузиш;

Марказ директори билан тузилган меҳнат шартномасини меҳнат
 тўғрисидаги қонун ҳужжатларида белгиланган тартибда муддатидан олдин
 тўхтатиш;

давлат муассасаси сифатида давлат рўйхатидан ўтказилган вақтдан
 бошлаб уч ой мобайнида Марказнинг устав фондини унга давлат мулкни
 тезкорлик билан бошқариш учун бериш йўли билан шакллантириш;

ҳар йили Марказнинг ижро этувчи орган фаолияти самарадорлигини
 баҳолаш кўрсаткичини назарда тутувчи Марказнинг сметасини тасдиқлаш, ҳар
 чоракда ижро этувчи органнинг унинг бажарилиши ҳақидаги ҳисоботини
 эшитиш;

бозор қиймати базавий ҳисоблаш миқдорининг минг баравари
 миқдоридан ошадиган мол-мулкни, мулкни тасарруф этиш учун Марказнинг
 ижро этувчи органига рухсатномалар бериш тўғрисидаги қарорни тегишли
 равишда Давлат активларини бошқариш агентлиги ёки унинг ҳудудий
 бошқармаси билан келишиш;

давлат муассасасига берилган давлат мулкidan мақсадли
 фойдаланилишини ва сақланишини, шунингдек унинг бегоналаштирилишини
 назорат қилиш;

Марказнинг йиллик йиғилиши йил тугагандан кейин олти ойдан
 кечиктирмай ўтказилишини таъминлаш.

6-боб. Марказ фаолиятини ташкил этиш

31. Марказ ўз фаолиятида бевосита Муассисга бўйсунди ва унга ҳисобот
 беради.

32. Марказ фаолиятига Инспекция бошлиғи томонидан лавозимга
 тайинланадиган ва лавозимдан озод қилинадиган Директор умумий раҳбарлик
 қилади.

33. Марказ директорининг ҳуқуқлари:

Марказ ходимларининг штат бўйича сони ва уларнинг иш ҳақи миқдорларини Муассис билан келишган ҳолда тасдиқлайди;

Марказнинг "Ходимлар меҳнатига ҳақ тўлаш ва моддий рағбатлантириш туғрисида"ги Низомини Муассис ҳамда Касаба уюшмаси билан келишган ҳолда тасдиқлайди;

Марказнинг моддий-техник таъминлаш харажатларини молиялаштириш, ходимларнинг меҳнатига ҳақ тўлаш ва моддий рағбатлантириш белгиланган маблағлар, шунингдек Ўзбекистон Республикаси Инновацион ривожланиш вазирлиги томонидан ўтказиладиган танловлар натижалари бўйича ажратиладиган грантлар, халқаро институтлар ва ташкилотлар, юридик ва жисмоний шахсларнинг грантлари ва ҳомийлик хайриялари, фаолият турлари бўйича товарлар (ишлар, хизматлар) ишлаб чиқариш ва сотишдан тушадиган маблағлар ҳамда қонун ҳужжатларида таъқиқланмаган бошқа манбалар ҳисобига амалга оширилади;

Марказ ходимларининг иш ҳақи - лавозим маоши, мукофотлар, қўшимча ҳақлар, устамалардан ва қонун ҳужжатларида назарда тутилган бошқа тўловлардан иборат.

Марказ ходимларини моддий рағбатлантириш ва ижтимоий ҳимоялаш қуйидагилардан:

хизмат вазифасини сидқидилдан ва самарали бажариб келаётган юқори малакали, ташаббускор ходимларга юқори малакаси учун лавозим маошининг 200 фоизидан кўп бўлмаган миқдорда белгиланадиган шахсий устамалар;

алоҳида меҳнат шaroитлари учун лавозим маошига қонун ҳужжатларида белгиланган рағбатлантирувчи қўшимча ҳақ ва устамаларни ҳисоблашда лавозим маоши таркибига киритиладиган 50 фоиз миқдорида устама;

байрамларда ва муҳим саналарда бир марталик пул мукофоти;

Марказнинг молиявий ҳолатидан келиб чиққан ҳолда, ой, чорак ва йил якунлари билан бир марталик пул мукофоти;

ходимлар фаолиятини индивидуал баҳолашда, ишида муваффақиятларга эришганлиги ва муҳим топшириқларни бажарганлиги учун лавозим маошининг 200 фоизидан кўп бўлмаган миқдорда мукофот;

овқат пули ва йўлқира харажатлари учун компенсация тўловлари;

моддий ёрдам ва қонун ҳужжатларида таъқиқланмаган бошқа тўловлардан иборат.

худудий филиал раҳбарларига бериладиган Ишончномани тасдиқлайди;

Марказ директори тасдиқланган ташкилий тузилмада белгиланган ходимлар сони доирасида штатлар жадвалига ўзгартириш киритади ҳамда муассис билан келишган ҳолда ходимларнинг штатлар бўйича сони ва уларнинг иш ҳақи миқдорларини тасдиқлайди.

зарурат бўлганда, Муассис томонидан тасдиқланган ташкилий тузилмани ўзгартирмаган ҳолда, штатлар жадвалига қўшимча ва ўзгартиришлар киритади;

Директор Марказнинг якка ижро этувчи органи ҳисобланади ва Марказ олдига қўйилган вазифаларнинг бажарилишини ташкил этади, Марказ номидан ишончномасиз фаолият кўрсатади, шу жумладан унинг манфаатларини ифодалайди, белгиланган тартибда Марказ номидан битишувларни амалга оширади, ходимларни ишга қабул қилади, улар билан меҳнат шартномаларини тузади, ўзгартиради ва тўхтатади, зарурат бўлганда Марказнинг молиявий аҳволидан келиб чиқиб, хизмат кўрсатиш тўғрисида фуқаролик-ҳуқуқий шартнома асосида фуқароларни ишга қабул қилади, ходимларни қайта тайёрлаш ва малакасини ошириш, кадрлар захирасини шакллантириш чора-тадбирларини кўради, буйруқлар чиқаради, қонун ҳужжатларида белгиланган тартибда ишончномалар беради, пул, моддий ва бошқа қийматликларни олиш ва чиқариш учун асос бўлиб хизмат қиладиган ҳужжатларни имзолаши мумкин бўлган шахсларнинг рўйхатини тасдиқлайди, Марказ ихтиёрида қоладиган соф фойда ҳисобига захира фонди ва бошқа фондларни ташкил этади, шакллантирилган Марказ фондларининг мақсадли ишлатилишини таъминлайди, уларнинг умумий миқдорлари доирасида мувофиқлаштиради ҳамда Марказ фаолиятини амалга ошириш учун зарур бўлган бошқа вазифаларни амалга оширади.

Директор муассис олдига Марказ Низомида белгиланган тартибда Марказ фаолияти тўғрисида ҳисоб беради.

Марказ директори ўз ҳуқуқларини амалга оширишда ва вазифаларини бажаришда Марказ манфаатларини кўзлаб ҳаракат қилиши керак ҳамда норматив-ҳуқуқий ҳужжатлар, Ўзбекистон Республикаси Президенти, Вазирлар Маҳкамаси ва Қишлоқ ҳўжалиги вазирлигининг тегишли ҳужжатлари ҳамда бошқа қонун ҳужжатлари билан юкланган вазифаларнинг бажарилишини ташкил этиш, давлат хизматларини кўрсатиш сифати ва самарадорлигини ошириш, фаолият соҳа йўналишлари бўйича ўринбосарлари ва бошқа мансабдор шахслар фаолиятини мувофиқлаштириш, давлат сири билан боғлиқ қонун ҳужжатлари талабларига риоя этиш, Ўзбекистон Республикаси Давлат бюджетига ва давлат мақсадли жамғармаларига тўловларнинг, иш ҳақининг ўз вақтида тўланиши, меҳнат ҳуқуқлари ва муносабатларидан ҳамда уларга тенглаштирилган тўловлардан келиб чиқадиган барча талабларнинг қондирилиши, фаолият билан бевосита боғлиқ бўлган эҳтиёжлар учун пул маблағларининг ўтказилмаганлиги, ўзининг ҳаракати (ҳаракатсизлиги) туфайли, шу жумладан Марказга берилган давлат мулки йўқолган тақдирда Марказга етказилган зарарлар учун қонун ҳужжатларида белгиланган тартибда жавоб беради.

34. Директор 2 та ўринбосарга эга ва улар Инспекция раҳбарининг буйруғи билан лавозимга тайинланади ва лавозимдан озод этилади.

Марказнинг ҳудудий филиаллар бошликлари Инспекция билан келишилган ҳолда, Марказ директори томонидан лавозимга тайинланади ва лавозимидан озод этилади.

Марказий лабораториялари бошликлари ва бошқа ходимлари меҳнат қонунчилигида белгиланган тартибда Марказ директори томонидан ишга қабул қилинади ва лавозимидан озод этилади.

Ҳудудий филиаллар бошликлари Марказ томонидан белгиланган тартибда бериладиган ишончнома асосида фаолият юритади.

35. Директор бўлмаган вақтда унинг ваколатлари буйруқ билан вазифа юклатилган ўринбосари томонидан амалга оширилади.

36. Марказ директори ўринбосарлари ва таркибий бўлинмаларининг фаолияти директор томонидан тасдиқланадиган вазифалар тақсимоотида белгиланади.

37. Марказ ўз вазифалари ва функцияларини амалга оширишда бошқа давлат ва ҳужалик бошқаруви органлари, маҳаллий давлат ҳокимияти органлари ва бошқа ташкилотлар билан ўзаро ҳамкорлик қилади.

Ўзбекистон Республикаси Фуқаролик кодексининг 40-моддасига, ушбу Низомга ҳамда Муассис томонидан берилган ваколатларга мувофиқ тадбиркорлик фаолиятининг барча масалаларини, шунингдек молия-ҳўжалик фаолияти масалаларини ҳал этади;

ўз ваколатлари доирасида Марказ фаолиятини ташкил этиш ва амалга ошириш билан боғлиқ бўлган бошқа масалаларни кўриб чиқади ва ҳал этади;

Марказ директори қонун ҳужжатларида белгиланган тартибда бошқа ваколатларни амалга оширади;

Муассисни ҳабардор қилган ҳолда ўзининг вазифаларини вақтинча бажаришни ўринбосарларига юклатиш юзасидан буйруқлар қабул қилади.

38. Марказ директорининг мажбуриятлари:

Марказ олдига қўйилган вазифаларнинг бажарилишини ташкил этиш ва назорат қилиш;

Марказнинг асосий фаолиятини такомиллаштириш, бошқаришнинг энг замонавий усулларини жорий этишга доир чора-тадбирларни амалга ошириш;

Марказ мулкани амалдаги қонунчилик ва Муассис томонидан унга берилган ваколатлар доирасида тасарруф этиш;

Марказнинг барча ходимлари томонидан бажарилиши мажбурий бўлган буйруқлар чиқариш;

жамоа шартномасини қасаба уюшмаси қўмитаси билан келишган ҳолда тасдиқлаш ҳамда унда ходимлар учун тўланадиган устамалар, жорий мукофотлар, қўшимча ва бир йўла бериладиган тўловлар, имтиёзлар, иш стажи, ой, чорак ва йил якуни бўйича тўловларни (рағбатлантириш) қайд этиш, ушбу

тўловларни Марказнинг молиявий имкониятларидан келиб чиққан ҳолда белгиланган тартибда бажарилишини таъминлаш;

39. Марказ директори қуйидагиларга жавобгар:

Марказ директори ўз ҳуқуқларини амалга ошириш ва вазифаларни бажаришда Марказ манфаатларини кўзлаб ҳаракат қилади ҳамда бюджетга ва давлат мақсадли жамғармаларига тўловлар, иш ҳақининг ўз вақтида тўланиши, меҳнатга оид ҳуқуқий муносабатлардан келиб чиқувчи барча талаблар ва уларга тенглаштирилган тўловларнинг қондирилиши, ишлаб чиқариш фаолияти билан бевосита боғлиқ эҳтиёжлар учун маблағларни ўз вақтида ўтказилишига, Марказнинг ҳатти-ҳаракатлари (ҳаракатсизлиги) билан, жумладан, Марказга берилган давлат мол-мулки йўқолган тақдирда, етказилган зарар юзасидан қонун ҳужжатларида белгиланган тартибда жавоб беради.

Марказ директори зиммасига юкланган вазифаларнинг бажарилиши, шунингдек Марказга берилган давлат мулкнинг сақланиши ва ундан мақсадли фойдаланилиши юзасидан қонун ҳужжатларида белгиланган тартибда жавоб беради.

40. Марказ директори Муассис томонидан лавозимга тайинладиган ва лавозимдан озод этиладиган ўринбосарларга эга бўлади.

41. Директор ўринбосарлари:

таркибий бўлинмалар фаолиятига бевосита раҳбарлик қилади, уларга юкланган вазифалар ва функциялар бажарилишини ташкил этади;

Муассис қарори, Марказ директорининг буйруқ ва топшириқларини ўз вақтида ва сифатли бажарилишини таъминлайди;

таркибий бўлинмаларга юкланган вазифалар бажарилишини назорат қилади ва мувофиқлаштиради;

таркибий бўлинмалар фаолияти масалалари бўйича қонунчиликни такомиллаштириш юзасидан таклифларни ишлаб чиқади ва уларни кўриб чиқиш учун директорга киритади;

Марказ директорига Марказнинг таркибий бўлинмаларида ходимларни танлаш ва жой-жойига қўйиш бўйича таклифларни киритиш, уларнинг касбий маҳорати, малакаси, амалий тажрибаси, ишчанлик ва ахлоқий фазилатларини юқори даражада таъминлаш, уларнинг касбий малакаларини ошириш, таркибий бўлинмаларда кадрлар захирасини шакллантиришда амалий ёрдам беради;

Марказнинг таркибий бўлинмалар ходимлари фаолиятини самарадорлиги ва натижадорлигини тизимли танқидий таҳлил қилади, йиғилишларда уларнинг шахсий ҳисоботларини эшитади, яқунлар бўйича зарур чораларни кўради.

Марказ директори вақтинча бўлмаганда, тегишли буйруқ асосида унинг вазифаларини бажаради.

7-боб. “Марказ”нинг устав фонди миқдори

42. “Марказнинг устав фонди ўзида молиявий-хўжалик фаолиятини амалга ошириш учун унга муассис томонидан берилган мол-мулк ва бошқа активлар жамини ифодалайди.

Марказ устав фондининг миқдори 7 468 706 940 (етти миллиард тўрт юз олтмиш саккиз миллион етти юз олти минг тўққиз юз қирқ) сўми ташкил қилади.

Марказнинг устав фондини кўпайгириш ва камайтириш Қонун ҳужжатларида белгиланган тартибда, муассиснинг қарори бўйича амалга оширилади.

7-боб. Марказнинг хўжалик фаолияти

43. Марказ ўзининг тадбиркорлик (тижорий) фаолиятини мустақил режалаштиради ва ривожланиш истикболларини белгилайди.

44. Марказнинг бошқа корхоналар, ташкилотлар, юридик ва жисмоний шахслар билан хўжалик фаолиятининг барча соҳалардаги муносабатлари шартнома асосида амалга оширилади. Марказ шартнома предмети танлашда, мажбуриятларини белгилашда, Ўзбекистон Республикаси қонунларига зид бўлмаган ўзаро хўжалик муносабатлари шартларини белгилашда эркиндир.

45. Марказ томонидан кўрсатиладиган хизматлар Ўзбекистон Республикасининг амалдаги норматив-ҳуқуқий ҳужжатлари ҳамда тузиладиган шартнома билан белгиланадиган нархлар ва тарифлар (прейскурант, калькуляция) асосида амалга оширилади.

46. Марказ ҳар бир ходимнинг меҳнат даромадини унинг шахсий меҳнат улушига қараб, Марказ фаолиятининг пировард натижаларини ҳисобга олиб, ўрнатилган тариф ставкалари бўйича белгилайди.

47. Марказ директориға Муассис билан келишилган ҳолда Марказнинг молиявий имкониятлари ва хўжалик фаолияти натижаларидан келиб чиқиб, юқори тариф коэффициентларини қўллаш ваколати берилади.

48. Марказ ходимларининг меҳнатига ҳақ тўлашнинг энг кам миқдори амалдаги қонун ҳужжатларга мувофиқ белгиланади.

49. Меҳнатга ҳақ тўлашнинг шакллари, тизимлари ва миқдорлари, шунингдек ходимлар даромадларининг бошқа турлари амалдаги қонун ҳужжатларга мувофиқ равишда белгиланади.

50. Ўзбекистон Республикаси Давлат бюджетига ва давлат мақсадли жамғармаларига барча солиқлар ва бошқа мажбурий тўловлар тўланганидан сўнг Марказ ихтиёрида қоладиган маблағлар Марказ ходимларини рағбатлантиришга, мавжуд кредиторлик қарзларни тўлашга, моддий-техник базасини, ишлаб чиқариш, хўжалик фаолиятини ривожлантиришга, бино ва иншоотларни таъмирлаш ва қуришга ҳамда қонунчиликда тақиқланмаган бошқа харажатларни қоплашга йўналтирилади.

51. Фаолиятдан олинган даромад ва бу даромад ҳисобидан сотиб олинган мол-мулк Марказнинг мустақил тасарруфига ўтади ва алоҳида балансда ҳисобга олинади.

8-боб. Марказ фаолиятини баҳолаш мезонлари

52. Марказ фаолияти самарадорлиги мунтазам равишда баҳоланади.

53. Марказ фаолияти самарадорлиги ва натижадорлигини баҳолаш якунлари бўйича:

Марказ раҳбарлари ва ходимларига нисбатан рағбатлантириш (тақдирлаш) ёки интизомий жавобгарлик чоралари;

Марказ фаолиятида аниқланган камчиликларни бартараф этиш ва унинг фаолиятини янада такомиллаштириш чоралари кўрилади.

54. Марказ фаолияти самарадорлиги ва натижадорлигини баҳолаш тартиби ва методикаси конун ҳужжатларида белгиланади.

9-боб. Марказнинг тузилмаси

55. Марказ марказий аппарат (марказий бошқарув аппарати), марказий лабораториялар ва ҳудудий филиаллардан иборат.

56. Марказнинг ҳудудий марказлари қуйидагилар:

Т/р	Ҳудудий филиаллар номи
1.	Қорақалпоғистон Республикаси филиали
2.	Андижон вилояти филиали
3.	Бухоро вилояти филиали
4.	Жиззах вилояти филиали
5.	Қашқадарё вилояти филиали
6.	Навоий вилояти филиали
7.	Наманган вилояти филиали
8.	Самарқанд вилояти филиали
9.	Сирдарё вилояти филиали
10.	Сурхондарё вилояти филиали
11.	Тошкент вилояти филиали
12.	Фарғона вилояти филиали
13.	Хоразм вилояти филиали

57. Ҳудудий филиаллар раҳбарлари Марказ директорига ва унинг ўринбосарларига тўғридан-тўғри бўйсунди.

10-боб. Якунловчи қоида


58. Марказни қайта ташкил этиш ва тугатиш Ўзбекистон Республикаси конун ҳужжатларига мувофиқ амалга оширилади.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga

1-ILOVA

O'zbekiston Respublikasi Qishloq xo'jaligi vazirligi huzuridagi Agrosanoat majmui ustidan nazorat qilish inspeksiyasi qoshidagi "Qishloq xo'jaligi mahsulotlari sifatini baholash markazi" davlat muassasasining

TASHKILIY TUZILMASI



"Qishloq xo'jaligi mahsulotlari sifatini baholash markazi" davlat muassasasi boshqaruv va ishlab chiqarish hodimlarining umumiy cheklangan shtatlar soni

701 birlik: Jumladan :


markaziy apparatda-54 birlik, markaziy laboratoriyalar --88 birlik, hududiy filiallarda -- 559 birlik.

Shundan 29 birligi boshqaruv xodimlari, 19 birligi mutaxassislar, 51 birligi texnik va 81 birlik xizmat ko'rsatuvchi xodimlar hamda 521 birlik ishlab chiqarish xodimlari.

Markaz direktoriga - tasdiqlangan tashkiliy tuzilmada belgilangan xodimlar soni doirasida shtatlar jadvaliga o'zgartirish kiritish huquqi beriladi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga
2-ILOVA

**"Qishloq xo'jaligi mahsulotlari sifatini baholash markazi" davlat muassasasining
Qoraqalpog'iston Respublikasi filialining tashkiliy tuzilmasi**




Qoraqalpog'iston Respublikasi filiali
boshqaruv va ishlab chiqarish xodimlarining
umumiy soni 47,5 birlik.

*Paxta mahsulotlarini sertifikatlash bo'yicha va Namuna tanlab oluvchi va identifikatsiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga
3-ILOVA

**“Qishloq xo‘jaligi mahsulotlari sifatini baholash markazi” davlat muassasasining
Andijon viloyati filialining tashkiliy tuzilmasi**




Andijon viloyati filiali boshqaruv va ishlab
chiqarish xodimlarining umumiy soni
54,5 birlik.

*Paxta maxsulotlarini sertifikatlash bo'yicha va Namuna tanlab oluvchi va identifikasiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga
4-ILOVA

**"Qishloq xo'jaligi mahsulotlari sifatini baholash markazi" davlat muassasasining
Buxoro viloyati filialining tashkiliy tuzilmasi**




Buxoro viloyati filiali boshqaruv va ishlab
chiqarish xodimlarining umumiy soni
49,5 birlik.

*Paxta maxsulotlarini sertifikatlash bo'yicha va Namuna tanlab oluvchi va identifikasiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga
5-ILOVA

**“Qishloq xo‘jaligi mahsulotlari sifatini baholash markazi” davlat muassasasining
Jizzax viloyati filialining tashkiliy tuzilmasi**




Jizzax viloyati filiali boshqaruv va ishlab
chiqarish xodimlarining umumiy soni
38,5 birlik.

*Paxta maxsulotlarini sertifikatlash bo'yicha va Namuna tanlab oluvchi va identifikatsiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga
6-ILOVA

**“Qishloq xo‘jaligi mahsulotlari sifatini baholash markazi” davlat muassasasining
Qashqadaryo viloyati filialining tashkiliy tuzilmasi**




Qashqadaryo viloyati filiali boshqaruv va ishlab
chiqarish xodimlarining umumiy soni
48,5 birlik.

*Paxta maxsulotlarini sertifikatlash bo'yicha va Namuna tanlab oluvchi va identifikasiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga
7-ILOVA

“Qishloq xo‘jaligi mahsulotlari sifatini baholash markazi” davlat muassasasining Navoiy viloyati filialining tashkiliy tuzilmasi




Navoiy viloyati filiali boshqaruv va ishlab
chiqarish xodimlarining umumiy soni
30,5 birlik.

*Paxta mahsulotlarini sertifikatlash bo'yicha va Namuna tanlab oluvchi va identifikasiya qiluvchi mutaxassislar - Markaz vakili Qishloq xo'jaligi mahsulotlarini sertifikatlash tashkilotlari xodimlari hisoblanadi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
“Qishloq xo'jaligi mahsulotlari sifatini baholash markazi”
davlat muassasasining Nizomiga
8-ILOVA


**“Qishloq xo‘jaligi mahsulotlari sifatini baholash markazi” davlat muassasasining
Namangan viloyati filialining tashkiliy tuzilmasi**



Namangan viloyati filiali boshqaruv va ishlab
chiqarish xodimlarining umumiy soni
43,5 birlik.

*Paxta mahsulotlarini sertifikatlash bo'yicha va Namuna tanlab oluvchi va identifikatsiya qiluvchi mutaxassislar - Markaz vakili Qishloq xo'jaligi mahsulotlarini sertifikatlash tizimi organlari xodimlari hisoblanadi.

**"Qishloq xo'jaligi mahsulotlari sifatini baholash markazi" davlat muassasasining
Samarqand viloyati filialining tashkiliy tuzilmasi**




Samarqand viloyati filiali boshqaruv va ishlab
chiqarish xodimlarining umumiy soni
42,5 birlik.

*Paxta maxsulotlarini sertifikatlash bo'yicha va Namuna tanlab oluvchi va identifikasiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga
10-ILOVA


**"Qishloq xo'jaligi mahsulotlari sifatini baholash markazi" davlat muassasasining
Sirdaryo viloyati filialining tashkiliy tuzilmasi**



Sirdaryo viloyati filiali boshqaruv va ishlab
chiqarish xodimlarining umumiy soni
40,5 birlik.

*Paxta maxsulotlarini sertifikatlash bo'yicha va Namuna tanlab oluvchi va identifikasiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.

**"Qishloq xo'jaligi mahsulotlari sifatini baholash markazi" davlat muassasasining
Surxondaryo viloyati filialining tashkiliy tuzilmasi**




Surxondaryo viloyati filiali boshqaruv va
ishlab chiqarish xodimlarining umumiy soni
39,5 birlik.

*Paxta maxsulotlarini sertifikatlash bo'yicha va Namuna tanlab oluvchi va identifikasiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga
12-ILOVA

**"Qishloq xo'jaligi mahsulotlari sifatini baholash markazi" davlat muassasasining
Toshkent viloyati filialining tashkiliy tuzilmasi**




Toshkent viloyati filiali boshqaruv va ishlab chiqarish xodimlarining umumiy soni 25 birlik.

*Namuna tanlab oluvchi va identifikatsiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga
13-ILOVA

**“Qishloq xo‘jaligi mahsulotlari sifatini baholash markazi” davlat muassasasining
Farg‘ona viloyati filialining tashkiliy tuzilmasi**




Farg'ona viloyati filiali boshqaruv va ishlab chiqarish xodimlarining umumiy soni 50,5 birlik.

* Paxta maxsulotlarini sertifikatlash bo'yicha va Namuna tanlab oluvchi va identifikasiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.

O'zbekiston Respublikasi Qishloq xo'jaligi vazirligi huzuridagi
Agrosanoat majmui ustidan nazorat qilish inspeksiyasi qoshidagi
"Qishloq xo'jaligi mahsulotlari sifatini baholash markazi"
davlat muassasasining Nizomiga
14-ILOVA

**"Qishloq xo'jaligi mahsulotlari sifatini baholash markazi" davlat muassasasining
Xorazm viloyati filialining tashkiliy tuzilmasi**



Xorazm viloyati filiali boshqaruv va ishlab
chiqarish xodimlarining umumiy soni
48,5 birlik.

*Paxta mahsulotlarini sertifikatlash bo'yicha va Namuna tanlab oluvchi va identifikatsiya qiluvchi mutaxassislar - Markaz vakili Qishloq xo'jaligi mahsulotlarini sertifikatlashtirish organlari xodimlari hisoblanadi.